



八復先生集

第五册
 卷之十九 五言律詩八十四首
 卷之二十 五言律詩八十五首
 卷之二十一 五言律詩八十一首
 卷之二十二 五言律詩八十一首
 卷之二十三 五言排律二十六首
 卷之二十四 七言律詩六十四首

特別
 A16
 1268
 5



和
1268
5

何大復先生集卷十九



五言律詩八十四首

送宗魯使安南

日月天門迥星辰海國遙龍函隨 勅命使節下青
霄荒服周王域南溟漢將標壯遊真萬里無外見今
朝

送顧侍御還南京

大復集 卷十九



南國鳳凰士北臺驄馬臣一鳴望霄漢千里出風塵
折柳此為別看花俱愴神飄零四海契慙愧十年人

九日夜過劉以正別士奇

重陽愁獨酌深夜喜相過萬里惟秦客三杯亦楚歌
霜笳沉海月風鴈起滹河醉別黃花去能忘白玉珂

送顧華玉謫全州

白日春城暮孤雲天際陰君行萬里外予意一何深
夏擬浮湘水秋應到桂林衡陽去不遠莫使鴈書沉

送楊太常歸省三首

盧聖元公在寧親季子歸鳳凰銜寵詔駟馬動光輝
回馭心先切題橋志不違都人看祖帳共嘆此行稀

二

錦里趨庭日聲華冠蜀都弟兄今二妙父子宋三蘇
禮樂風雲地旂常日月圖今皇念大祀未可滯江
艦

三

聞道西南寇猶多虎豹群過秦應有論諭蜀可無文
未返巴山使空懸棧道軍煩將父老意歸報

聖明君

送寇定州

五月燕京寺高雲動客旌南風開菡萏君到定州城
霄漢仙鳧去風塵老驥行年來傾蓋意深感白頭情
送彭總制之西川二首

江漢兵戈阻鄖陽節制移遙憐蜀父老再覩漢旌旗
躍馬終難據窮猿本易追威明聊一借勲業况當時

二

蜀道青天上岷山赤日西九重連授鉞萬里動征

輦開府松杉靜懸軍玉壘低知公安蜀計諸葛大名
齊

送呂內翰上陵

弓劍登天壽衣冠望國門碧山秋殿閣白露漢陵園
雨落千官淚雲隨六帝魂詞臣松柏賦音繞鳳凰
原

送徐內翰上陵

君向六陵間中元月正圓攀松立暮日藉草坐秋天
殿閣西山抱關門北斗懸先皇舊侍從獨到秦陵

前

送曹遜鄉還汝寧

三年觀國士此日暫還家去指清淮月行攀上蔡花
燕歌送楚客邊鴈起城笳却喜干戈後鄉園見歲華

送李體仁按雲南

漢使西南域天王節制名九霄看鳳下萬里避驄行
風偃蠻夷靜霜驅瘴癘清壯遊仍攬轡從此慰平生

送呂揮使

駟馬赤電奔少年風義存名登大司馬身觀漢皇尊

北海連龍磧西山出鴈門臨行贈寶劍持此答君恩

送郭刑部守寧波

漢庭黃綬吏西省白雲司豈謂為郎久猶言出守遲
雲霄懸賜履江海入褰帷古越今名郡風流當在茲

送石秀才下第還趙州

念汝不得意行歌燕市中鄉書催朔鴈旅食寄霜楓
荆玉已三獻冀群當一空驅車薊門外未可嘆途窮

田子宅宴別

永夜愴離析同心耽宴遊世情俱慷慨鄉意轉綢繆

竹戶霜燈裊風城海角流豫章天更遠燕北有高樓

寺中送段子還蒲州

段子兩龍劍西行歌莫催探花天上返觀日海邊迴
一別雲房樹相思雪夜杯禹門讀書處終夕聽風雷

送范以載之南京

不見君山面看君意獨哀曾陪竹林醉今識仲容才
駿馬登臺去蒼生攬轡來春江暮雲樹愁望北帆開

送欽師歸西山

近向雲間至遙從花下還赤崖春到寺白塔晝開關

風雨如西塞烟霞似北山到來應待我祗樹幾回攀

送忽生還關中次韻

望爾西行路春風萬柳條嗚憐黃鳥近去恨白駒遥
彈冠歌今日張燈宴往宵秦川待歸客花色醉中饒

送以道次君卿韻

汝到河西日常令消息聞風塵暫把袂霄漢忽離群
帆轉天邊樹樓停海上雲飄飄岐路側何地復逢君

送趙叔鳴視學山東

爾道東行日斯文北學傳鳳凰千仞上驪囊萬金前

岳峙高無極滄流渺百川古來齊魯地風教有遺編
送侯汝立之東昌

東郡瘡痍日蒼生屬此行二毛猶未見五馬亦為榮
月對河關上秋從海岳生向來嵩少約西望各懸情

送士姪歸雀巢縣

見汝

一作喜見

南歸日令子

一作應憐

北倚樓彩衣花縣酒白

鴈楚江洲閉戶自茲始佩韋湏古求行藏愧汝叔日
憶竹林遊

送郭外舅之江陰

郭舅佐名邑出門憐女甥春風到江縣花下早鳴鶯
聽訟琴堂靜哦詩竹檻成臨行贈玉珮空有渭陽情

送劉西曹決獄畿內

日下秋官出天邊漢使今令行乘肅殺風覃藉仁聞
香署含清旭仙闈上白雲鑪薰亦暫別遙想晝氤氳

送胡別駕出關

天上黃華戍雲邊鐵壁城風沙行塞日金鼓出關情
轉餉留蕭相揮鞭讓祖生軍儲西北計從此樹勲名

送毛汝厲按湖南

臘送燕門節春迎楚水雙揚帆泛廣漢擊楫渡長江
地絡蠻荆域天躔翼軫邦此行若不忝才氣本無雙

送王夢弼之高郵

南竄隨春色東行識壯顏閭閻猶涕淚道路復追攀
風節雲霄上霜威海岱間 聖明憐萬里不火賜君
還

送望之赴汶上二首

相送一如昔出關行復留初看萬里至忽是五年流
老駿從東路春鴻向北州青門數行柳煙色暮含愁

二

春郊餘雪日河甸起風沙送折燕中柳行逢汶上花
賓朋半海內弟妹各天涯駐馬臨岐處飄飄獨望家

送客二首

方岳從來重君才世豈多 盜晉國有山河
勸俗銷金甲求賢訪碧蘿政平人自理不用事煩苛

二

海內蒼生困看君紫綬新天官元貴客岳伯是詞人
雲極行山目花傷冀北神平生膠漆意翻恐愧雷陳

送葛時秀任東明

東明花滿縣令宰即神仙
交子今為政河陽復壯年
竿旛開雨雪鳧鳥向雲天
何地傳消息相聞在日邊

陸子樓餞祖邦

渺渺楓江濶高樓望轉傷
同來送歸客予亦念還鄉
塞接寒天迥城銜落景長
重逢是何日尺素莫相忘

白將軍征南策壽母

將軍天上出萬里擁舟航
玉帳駐南國金尊開北堂
海雲添寵色江日借恩光
報主身何壯猶牽寸草腸

送錢推府之閩

越水到閩鄉風帆萬里航
雲間開瘴癘山雨暗枕榔
器本中丞後才仍佐郡郎
燕京把劍別此去有輝光

送施御史便道壽母次韻

繡衣真晝錦彩服更花辰
海鶴稱觴數江魚入饌新
近懽追里宴遙祝借朝紳
堂下忘憂草今春倍往春

贈王舉人

王子萬人英詩名少日成
驪珠眠自抱天馬傷誰行
旅食青楓改秋吟素髮生
過逢見汝意潦倒愧吾情

贈管汝濟

冠裳同海內，盃酒對寒宵。
舊識三秦客，今看萬仞標。
芙蓉生露掌，騷裏在煙霄。
願聽雲門奏，春風入鳳簫。
贈權僧過昌化寺見訪次韻

問爾湖邊寺，微鐘翠巘西。
千巖一徑轉，落日亂藤迷。
數見談天竺，相從過庾溪。
山中送客罷，獨禮白雲低。
贈呂道天轉右給事

右掖言司舊，重題御陛名。
碧霄通漢苑，丹地接秋城。
報主塞龍袞，驚人想鳳鳴。
懷中一諫草，何日為蒼生。

贈鄭佐

老鄭空同客，長歌北海尊。
十年舊賓友，誰到李邕門。
天地頻回首，江湖一旅魂。
關城獨歸鴈，風色傷黃昏。
君采遷居

宅卜宮墻近，堂開燕雀馴。
遷居憐客次，過覓喜吾隣。
題竹元因主，看花更屬春。
知懸孺子榻，虛薄愧高人。
贈時亮

象郡開梅嶺，羅池傷柳州。
山川盤秀地，文物迥風流。
丹就還珠洞，書藏駕鶴樓。
風塵望爾去，霄漢獨相求。

賀汝濟生子

夜夜生蘭夢年年種玉心
充閭看氣色入戶試啼音
明月含珠浦高枝發桂林
北堂書報日何啻萬黃金

贈董侍御

何處采芳蘋維舟湘水濱
草間露彩薄沙上月華新
杳杳侵溟路依依向楚人
汀花不寄遠惆悵獨逢春

贈劉東之憲副

浮生能幾見孰謂別離輕
遠道惟長劍寒宵共短檠
旌旗臨漢水雨雪度秦城
鄉井衣冠少分携益愴情

贈呂子遷左給事中

月明鳩鵲觀日麗鳳凰城
自昔飛騰入今看草奏行
銜沙填海志鍊石補天情
無限乾坤事非因萬古名

過寺中飲贈張元德侍御

竹林清宴集秋夜劇呼盧
即席花偏艷開尊月不孤
君為淮海俊我乃洛陽徒
腰下金龜在明朝付酒壚

元夜寺中集

火樹連龍苑煙花繞鷲峰
詞人高宴會令節喜過逢
閣度銀河上窗函寶月重
九衢風起夜處處有歌鐘

夜集贈呂仲木

石室抽書舊金門待詔來官勲三載見客抱此宵
開劉向本經術馬遷真史才斯文久寥落望子早登臺
贈王子

王子萬夫特英風千仞餘未投湘水賦曾上漢庭書
日月方前席江湖漫卜居城南相覓處花暮獨迴車
胡戶部父母同受封命

紫誥開天府瑤函照楚鄉白頭偕二老綵服有諸郎
草動春江色花携漢署香夜米望南斗萬里益光芒

贈祖邦

白下通緘少燕都見面遲客心悲歲晚歸路及春時
姓入山公啟人傳水部詩同年吾不及相望赴前期

吳逸士

逸士古豪士劍歌出燕關不博邯鄲市常遊五陵間
賓客重然諾公卿多往還千金何足貴義氣高如山
秋夕懷曹毅之

百卉飄零盡孤鴻何處歸高樓橫暮笛萬戶搥寒衣
南國江湖遠佳人尺素稀獨愁誰與晤明月鑒重幃

懷望之姊夫

自爾出門去天時十月催如何千里外不見一書來
遠嶠寒雲起高城旅雁哀鄉園莫久滯星駕及春回
懷姊

逐子東歸日輶軒惜路岐那堪骨肉淚灑向別離時
旅病秋來減鄉書歲暮遲庭闈欣見汝千里重予思
懷三兄

輶車北上日相送及燕州為客全經夏還家已過秋
鵲鴿寒更急鴻雁晚相求况是諸兄隔天涯重倚樓

子純宅夜集懷望之

花月同遊客江湘萬里遙燕閒如我輩盃酒又今宵
轉覺花愁思翻教月寂寥無論去與住俱是斷蓬飄

懷劉園諸友

亭榭劉園驟携遊汝輩頻竹高停翠袖花密隱朱唇
橋是經行地城餘戰鬥塵京華又二載腸斷楚鄉春
過子容有懷獻吉

故友何人在常時獨爾遊停盃思北海躍馬為南州
雨助鳴蛩夕風驚過鴈秋有懷俱不減携手重遲留

懷李生園東季升

李生北園內亭榭近如何草徑猶紅藥柴扉自碧蘿
江湖歸路少天地戰場多空憶張夫子清尊夜夜過

雪簡川甫

一雪數花集空庭寒起遲微風罷弱舞初日尚餘姿
自愧朱絃瑟誰看玉樹枝仙曹有高倡不送鳳凰池

寄任司訓

不見任公子飄飄旅客魂苦吟惟白髮生許有清尊
散吏真魚隱荒城不異村人間好事者誰到廣文門

至日寄望之汶上

至日懷親友題書在帝鄉風雲餘歲色梅柳復年芳
白髮行藏裏清尊涕淚徬思君魯城北汶水日湯湯

簡以道

久雨文園客風流漢長卿苦吟生白髮消渴望金莖
雪盛黃精草雲深赤石英早尋方外士服食使身輕

寄空同子卜居襄陽

兩定襄陽宅雲山好徬誰草憐一作鄰王粲井花醉習
家池留滯悲江漢驅馳感歲時扁舟空悵望未有廡

門期

雪簡鄭客

燕雪未成花蕭蕭覆淺沙
誤聽梁苑竹擬放楚江槎
集霰含風色流雲轉日華
城中百萬戶歌舞醉誰家

寄錢水部

多情錢水部別後有哀吟
萬里秋風興孤舟日暮心
白沙官舍迥滄海故園深
悵望佳期隔殷勤數寄音

寄王文熙

之子南歸日江湖淚泫然
涼風一夕至秋月幾回圓

鴻鴈求巢急鴟鴞各自遷
三年望天末徒有寸心懸

寄顧華玉

詞客金陵去那期歲屢過
相思秋水隔悵望暮雲多
清廟朱絃瑟華堂白紵歌
徽音久寂寞高調近如何

簡都元敬

故友日零落都君情不忘
草元常避客頭白近為郎
宦况思江上鄉心望海傍
聞君話山水吾亦慕南方

寄徐太守

塞鴈去後盡燕臺愁望春
十年同病客萬里各風塵

南國已碧草清江空白蘋秋來有詞賦莫使怨騷人

閣內簡張員外

我在金門裏聞君候瑣闥去天俱咫尺瞻日共光輝
柳下宮官出花邊閣吏稀晚來沙苑外騎馬欲同歸

寄易內翰

日日望長沙憶君城柳斜風塵愁燕雀江海嘆龍蛇
公子天邊草夫人廟口花故鄉盃酒罷遙亦念京華

寺中齋居簡崔內翰張侍御

徑雪草生細林寒鶯到稀傷春懷二子齋沐掩禪扉

石室棲金馬天花落繡衣分明共朝市鷓鴣不同飛

喜望之量移兼寄

嶺海投荒日燕臺望遠時三年一消息萬里轉相思
歸鴈先知暖驚鳥尚繞枝湘江催發棹預報北來期

立秋日寄粹夫

一葉悲天地秋風淚萬行江河無日夜邊塞有烟霜
鴈鴣思高起龍蛇願久藏蓬瀛何處涉頭白恨無梁

寄家書

一返滇中使重嗟故里違老親遙在念薄祿未能歸

大雪三冬暗家書累月稀
淚絨燈下發迴鴈隔雲飛

寄三子詩

三子者王康呂三子也三子俱產之關中並見而同隱西望興懷為詩寄之

鄠杜終南曲邠岐渭北
雒水多龍卧處山有鳳來時
星宿中宵動風雲萬里移
滄江問靈劍離合少人知

何大復先生集卷十九

何大復先生集卷二十

五言律詩八十五首

駕出

九重元武仗萬歲羽林軍
朝帝乘輿出行天警蹕聞
螭頭蟠曉日雉尾拂春雲
佇望南郊氣遙連北斗文

大祀

金榜星辰幕瑶函海嶽編
受禧同漢室登禪異秦年

日抱龍旂轉天流羽蓋旋揚雄老倍從白首賦甘泉
駕幸南海子

鏡音發桂時春狩踐蘭區水盡緹城合山迴帳殿孤
公卿隨八駿虎旅備三驅如聞後車載倘遇渭川夫

駕入

地轉瑤壇迥天迴翠輦高入城傳鼓吹開殿引旌旄
珮委春池草盤行上苑桃九天燈燭裏齊拜袞龍袍

慶成宴

漢主汾遊日周王鎬安時禮成天地協樂奏鳳凰儀

上殿承天語登筵拜帝釐載歌天保頌還稱既醉詩

皇陵

陵闕皇靈闕山河王氣遙萬年龍虎抱每夜鬼神朝
玉筮留天地金燈照窳窳如看翠華度縹緲在青霄

內直

閣院雨晴初微風動綺疏鳳池通紫極雲闕過一作迥
清虛袞職聞封事軍情見捷書非才叨侍從徒望五

雲車

入直

賦豈文園客名慚騎省郎聞雞趨建禮駐馬望宮墻
風晝楊花色烟春蕙草香露盤天漢上消渴意何長
晚出左掖

洞門餘積雪御苑覆高霞吏散層霄上城行五鳳斜
青回初霽柳紅動峭寒花立馬清沙外空一作宮林集
暮鴉

奉和嚴太史謁 泰陵三首

敬皇十八載四海一何安鼎成棄萬國弓墮哭千官
白日園陵闕秋雲松柏寒龍遊萬歲後寂寞葬衣冠

二

世切如雲望天摧格帝功彌留念諸將顧命託三公
玉几星辰上元宮霜露中松楸慟哭地白日起悲風

三

夜壑霜鐘杳秋岑玉殿扃總帷風淅淅銀海月冥冥
象衛朝群帝龍藏扈百靈臨門日呼召天語舊臣聆

酬郭內翰上 陵還詩

帝遣朝陵日暫辭供奉珎楸梧開玉殿雲霧宿春山
晚向松間散晴從花下還知君有佳句傳和五陵間

荅潘都諫郊壇見遺之作

羽衛天行路龍帷御宿亭璧壇流霽月銀闕動春星
諫獵心空赤逢時鬢尚青極知陪從地瞻切五雲停
殿試宿禮部張子淳郎中署奉和馬張二光祿

喬直閣諸公

東殿春朝晚南宮夜宿深鎖闈猶月色開閣更松陰
地迥神仙接天高象緯臨諸君清廟作三嘆有餘音
得顧華玉全州書兼知望之消息

地北憐為別天南真可哀同時萬里去隔歲一書來

水濶蛟龍出山深杜若開相思有詞賦愁絕並登臺

得朝信惟學書

稍喜豺狼息仍悲鴻鴈音故人雙尺素遙比萬黃金
水上春花樹城邊秋竹林天涯暮風雨腸斷北山吟

得鄭繼之書

鄭生湖海去高興渺難降累月音書數清秋涕淚雙
天邊登越嶠雪裡渡吳江萬水千山暮何時到爾邦

得王子衡贛榆書

萬里一書劄逾年傳帝都竄身天地遠垂淚海雲孤

柳送燕臺駿花留漢殿鳧赤霄終道路白髮且江湖

次韻張郎中九日無菊

九日盃空綠秋城菊未花雨叢寒慘澹風樹晚欹斜
獨客悲漂梗佳人怨折麻何時開幔爛沽酒到君家

除夕和以道懷弟之作

汝弟猶吾弟君家更幾家情知思棗萼愁與對梨花
酒罷看參遠燈寒望斗斜相憐謝池草明日又春華

戴生在吾語感秋思歸詩以慰留之二首

到日中元節淹留歲漸微而翁在異縣知汝苦思歸

旅館空彈鋏秋風未授衣敝床還可宿暫住莫相違

二

二十年方妙昂藏見爾才青雲滿霄漢黃鵠尚徘徊
寶劍休輕試家書莫屢開百年深有望吾道豈塵埃

答汝忠

俱向滄江起同懷魏闕情乾坤尚戎馬我輩復簪纓
戢羽棲雲閣聯翩入鳳城誰知薦賢內今日忝齊名

夜過川甫

日午詩相約更深馬獨來慚非問竒客知是草元才

月杵楓烏起霜燈竹戶開因思高李輩詞賦擅梁臺

九月二十五日會曹汝學侍御于麓堂夜歸遂

過侍御宅

東閣留樽罷西臺夜過時題詩倚驄馬換酒脫金龜
菊院霜天靜楓城海月遲向來秋寺約還許赴佳期

冬夜過飲戴時亮進士

琴酒揚雲宅談元靜夜真庭無旋馬地室有聚螢人
霜霧生陰井風燈動夕鄰喧喧萬車馬日出自紅塵

徐子容見過

三月三十日燕京春興懷相過話遠別此去憶深棲
江漢今舟楫乾坤尚鼓鼙風塵歸未得送汝萬行啼

與王宗哲過訪劉德徵兼有所懷

天街並馬過零雨碧氛氲王子真乘興劉郎雅好文
燭筵揮玉軫風戶裊鑪薰忽憶橫簫客遙遙隔彩雲

端陽日過子容登瞻辰樓

五日訪南州瞻辰上北樓旌旗夾水殿簫鼓送龍舟
滄海猶多難佳辰但百憂浮雲暮南適遙向楚江頭

九日顯靈宮宴集

九日無風雨賓朋更遠來菊花催酩酊仙侶得追陪
眺迥山河出登高殿閣開携遊有諸妙詞賦豈吾才

登紫極閣

層閣重重麗丹梯裊裊孤風雲上紫極氣色覽皇都
苑靜芙蕖落城喧鴈鴛呼蒼然見淮楚鄉思滿平蕪
侯郎中劉主事見過對菊

菊樹開初爛軒窓坐晚晴客非先有約花亦太多情
霜艷娟娟靜風香細細生天涯一杯酒今夕對寒城
過君采次韻二首

海內風塵隔天遣江漢流昔牽春草夢今並玉珂遊
神駿元千里仙人自十洲慚隨燕雀輩白髮世間愁

二

自君來此地謂我頗同流復往江湖去寧忘霄漢遊
龍蛇蟠海曲鴻鴈向汀洲從此風波隔長安日暮愁
世其宅夜集同君采作限難字

冬夕具盤滄明燈坐不寒獨憐竹葉盞仍對菊花團
素月縈窗細高雲傷苑殘美人江國去惆悵采芳難
秋夕同蕭執夫舍姪士飲

把燭開塵榻幽尋欸夜扉寒城颯欲暮風葉坐來稀
野興林間竹鄉心楚上薇蕭條共盃酒潦倒愧朝衣

除夕劉戶部宅

畫省開雲幔西堂對雪峰一年惟此會萬里幾相逢
守歲親燈火朝天候鼓鏞江湖有歧路漂轉嘆萍蹤

晚過以行

伯兄難更見愛弟復佳名往日題詩客黃昏駐馬情
春星度北牖暮一作舊雨到西城腸斷池塘草東風一作自生

顧九和內翰約看花城南寺病目不赴

不赴城南約遥傳寺裏篇看花吾未老出郭偶無緣
簇馬低春日啼鶯隔彩烟風沙開病眼愁向艷陽天

遊郭氏山亭

舊日追遊地新年此度過庭春歸雪篠洞古散烟蘿
遲日登臨倦名園感慨多風花騎馬去須放酒顏酡

九月四日劉子見過二首

入閣開塵榻留尊對苑牆杪秋餘暑濕高樹獨風霜
歲逼鄉心甚天增病骨涼自憐情興減不比向來狂

汝病稀相見高詩久不聞側思金石奏喜挹蕙蘭芬
細菊妍霜晝繁砧亂朔雲蕭蕭秋日興對爾憶離群

九月五日與張劉崔三子約九日遊法藏寺塔

劉嘗約遊西山竟寒盟故云

未省重陽菊誰邀我輩看城南有塔寺共擬集衣冠
雲起登臺興風追落帽懽此盟今夕定莫似碧山寒

登塔二首

古塔層城畔秋毫萬里看登高携賦客落日眺長安

天地懸相抱江山鬱自盤誰能絕頂上不避北風寒

二

塔廊徐暗轉不覺此身高月牖通天漢風簷散海濤
望餘秋色遠登罷客心豪去鴈休回首冥冥一羽毛

訪客鑑公房

病客依棲地石房鐘磬深清齋忘肉食獨宿見禪心
閣日斜寒晝牕雲下夕陰吾居亦隣並日為過西林

齋宿大興隆寺

疊雪霾雲磴陰霞絢石房沉冥通別理宴息對焚香

暖色含初篠遲烟散遠楊齋心臨暮景屬意向春陽

春日劉薛二子過

林花寒不折城鴈日喧呼壯覺風情減春增旅興孤
經過留翰墨潦倒念江湖未似高陽侶垂鞭向酒壚

再過元明宮

朔海風雲變元宮日月移登臨逼九日搖落倍前時
翠竹寒虛寢荒藤蔓曲池重看石槨地徒有雍門悲

九日登仁壽寺後山

石閣凌香岫憑高烟霧開人疑送酒客地即望鄉臺

鴈度桑乾去雲從碣石來魚龍瀚海北萬古一悲哀

十月望夜劉薛二子過對月

院寒冬月白城夜海雲收上客扳蘭省清光近鳳樓
關山一北望河漢迥西流未見乘槎使迢迢上斗牛

九日登慈恩寺閣三首

不到慈恩久今來九日期天寒鴻鴈少秋晚菊花遲
搖落悲風雨登臨感歲時牛山何處是異代獨興思

二

地幽人跡少僧至掃莓苔閣迥湖光入林昏雨色來

登臺憐作客入賦恥非才何事臨佳節秋懷未肯開

三

莫引憑高目滄茫海色遙秋空波瀾瀾寒日樹蕭蕭
關塞俱搖落音書久寂寥天涯有兄弟猶滯楚江橈

自滇蜀歸李戶部馬舍人見訪

官舍掃莓苔故人尊始開相違頻問訊乍見各徘徊
瘴癘一身在風塵萬里來欲詢滇蜀勝慚愧子長才
雨中過李真人方丈二首

勝地豈常得幽盟難重尋清晨驅馬出聊此息塵心

鳴磬秋堂濕然燈古殿深吹簫愛仙侶縹緲隔珠林

二

層臺暮雲外寂寞羽人居積雨堦除靜含風殿閣虛
洞中留白日窓下寫丹書即此觀幽逸能令世慮疎

早入宣武門

藹藹名都會鷓鴣共接翺金貂萬戶客鐵騎五陵豪
夾道紅塵滿千門白日高寂寥楊子宅隨分守蓬蒿

望海

登高望遠海萬里一長吟島嶼迎寒日波濤帶夕

一作

積陰豈無乘筏嘆亦有釣鼈心去去從吾好三山烟霧深

中秋夜集呂給事宅

銀漢高秋露嚴城月色陰美人今夜酒遊子故鄉心
烏鵲江邊去蛟龍海上吟漢宮樓殿迥莫使暮寒侵
與韓汝慶行歸長安望月

中秋高宴會客散向長安皓月千門裏青天並馬看
明添花藥亂陰益柳條繁悵望高雲上何由振羽翰

晚過周進士言別聞琴

朱絃久寂寞此夜拭瑤琴坐對燕京酒同悲楚客吟
城高下木葉樓迥上秋參別後清江夜遙思絕代音

與孫世其過張秀才

長夏稀朝謁相邀此地同占晴行苑外避暑出城中
翠篠含風靜蒼波映日空因思共童冠歸詠舞雩風
與孫戴張三子納涼

薄暮携三子追涼步短宵水邊低出月樓上忽橫簫
夕露花沾濕微風竹動搖醉歌聊永夕坐待紫宸朝
避暑存上人方丈

燕地炎蒸月西林大道傍上方留避暑長日坐焚香
細竹軒牕靜高雲殿閣涼何時更乘月過宿贊公房
出遊功德寺

昔聞功德寺今出帝城西晚日丹梯近秋天翠巘
齊荷衰猶一作斜映水樹古曲盤堤十里經行地清沙
送馬蹄

宿淇公方丈

落日罷登臨禪房秋坐深不妨留枕簟聊得謝冠簪
樓閣湖天影松蘿洞月陰明朝又朝市回憶碧山岑

天壇沈道士觀中

夏日天壇上登臨傍九霄川原一以眺樓觀鬱岩嶷
洞口逢丹侶花間醉碧簫清沙日色盡翻恨馬蹄遙
張子純宅對月

長安今夜月留客此堂開影落清樽裡光從玉殿來
苑花添悵望鄰笛助悲哀幸接仙郎飲高歌愧爾才
病居田給事中夜過

卧疾春天暮相尋客夜幽劇談翻愈病沉醉忽忘憂
西月低臨牖明星遠動樓看君上馬去猶使興情留

春雪諸翰林見過二首

正月燕京雪飛花落滿筵輝輝映旭日脉脉向春天
苑草寒猶細宮雲晚更鮮
何日凱歌旋

二

冉冉城烟裊飄飄苑雪過人稀春夜靜花劇暮寒多
置酒邀金馬開軒對玉珂陽春有高調莫惜為予歌
酬盧待御見訪有作用韻

柱史事沉冥行驄到我亭數章天北極隻字斗南星
坐久鶯初喚吟餘草更青朱絃山水調淒切為君停

同張仲脩再過劉子

劉家好兄弟隣近苑西樓數有花辰會兼成月夜遊
留徐還下榻訪戴不廻舟况接張公子詩輕萬戶侯

過田郎

晚就田郎飲高歌坐此庭炎天忽雲雨西日更雷霆
席傍簷花濕窓臨苑樹青相過戀朋好常得慰飄零
同崔太史張侍御飲周都閫亭子

公主山亭在元戎小隊回碧沙霑細雨白日映輕雷
已並花邊駿難孤竹下杯良宵可乘興歸騎
蓮一作漏莫

六
後集
卷二十一
四
頰催

郭氏園亭

漢苑清霄近名園不出城
曲穿陰洞入危傍峭岩行
賓客冠簪盛公侯甲第榮
日斜登覽罷帳望有餘情

過孫世其時有警報

一自來京邑常時過爾吟
飄零嘆往昔留滯到于今
各有江鄉思兼之邊塞心
明星罷擊柝悵望北城陰

過遠夫

堂上炎天迥明燈夕坐深
相逢濁酒醉獨悵白頭吟

苑柳通西內邊烽起北岑
此時對遷客何意復冠簪

出閣過勤甫省中

竹垣通左掖花省接仙郎
並坐停杯晚高談卷幔涼
水陰沉紺殿山影落彫墻
愧我同朝客傳君寡和章

立秋日呂景二內翰呂田二黃門見訪

高城下一藥亭榭已蕭疎
河漢生秋早星辰動夜虛
玉珂停驥裏金硯落蟾蜍
俱是文章伯相看我不如

再遊郭氏園亭二首

仲夏一到此主人開水亭
園林再駐馬臺榭已流螢

細竹搖風牖孤雲度石屏停盃更暮雨何限北崖青

二

日暮北亭上悵然秋望深碧山聊拄杖滄海未抽簪
苑上開雲閣窓中疊霧岑長安足塵土常過此登臨

過顯靈宮

不到元宮久桃源更此行行知瑤水近坐望赤霄平
洞草秋先長壇雲晝自生雙雙玉簫發風引度仙城

何大復先生集卷二十一

何大復先生集卷二十一

五言律詩八十一首

十四夜對月集陶良伯

陶令堂中月深更酒為携金波流未滿白露迥含淒
鴻鴈秋江北芙蓉漢苑西一杯同悵望萬里各羈栖
十六夜月集侯汝立

秋月尚不減客堂清宴闌把盃看玉兔駐馬簇金鞍

漸覺歲時暮况驚關塞寒霜笳中夜發葉落滿長安
夜集勤甫宅時秉衡至

同鄉耽宴集浮歲感飄零况復故人至相邀明月亭
琴清繁玉露坐久密秋星從此真佳貺無忘瑤草青
同崔子鍾過董文玉宅

崔生亭伯興董子仲舒才不為相隣近那能數往來
霜天留把菊風檻促行盃尚憶秋參落酣歌送我回

十月四日過良伯

古堂秋色暮霜晝靜烟沙隣並常盃酒寒天尚菊花

流雲行苑細返景抱簷斜隻鴈南翻去飄飄各念家

夜集世其次戴子韻

醴酒燕京夕朱絃楚客心情親不覺醉慷慨豈忘吟
哀柝霜天迥藪篁雪館深江湘舊行地何日更南尋

正月四日同子純過劉汝忠次韻二首

並轡來仙第深盃好共揮遠天初夜色新月更春輝
燈夕看相近花時會莫稀雲霄望羽翼真喜接高飛

二

邂逅憐新歲朱絃為客揮風春歸柳色月夕助燈輝

六集 卷二十一
歌酒三人共乾坤一笑稀看君俱妙思操翰忽如飛
顧以行諸客見訪次韻

海內朋簪盍天涯意氣親雪峰斜暮景霜草勁寒春
客席留尊久仙曹染翰新諸君千里駿霄漢迥風神

人日齋居過王德徵

齋居春晝冥獨過子雲亭雨雪逢人日江湖問客星
望來花漸散愁劇柳還青更話東歸棹遙遙海思停
立春管汝濟見過次韻

勝日高人過蓬門氣色新青榆初改歲白菊共嘗春

鼓吹闐京邑樓臺接漢津扳留慨時序晤語覺情親
寺中張子言自浙來話

石閣晴雲抱花宮夕漏催我遊天姥夢爾向海門迴
日月雙龍劍乾坤一酒盃山中問百草早晚折春雷
夜過劉以道兄弟

風燈懸岸館竹色靜春沙山水停湘瑟池塘到謝家
雪融花尚細烟裊柳初斜對酌情親夜能無戀物華

過城南寺

出城春漸近到寺日猶高野望增樓閣沙行散竹桃

吏情雙白鳥世故一青袍苦被微名繫乾坤無地逃
過以道喜其弟以正至限韻得衣字

美人今夕酒行子暮春衣常念賢昆弟經年望爾歸
喜占烏鵲噪愁慰鵲鷓飛詭浪相逢地銀缸照益輝

出遊城南寺

樓閣倚清沙春尋一作深景未斜聽鶯到竹院並馬入
桃花不倦登山屐猶遲泛海槎芳樽爛熳倒吾醉忘家

王壽失過分韻得吾字

自別君昆弟同遊獨愧吾十年常道路萬里各江湖
乍見形容異相思夢寐俱向來飛動意執手五雲衢
清明日同諸友遊城南寺

風晝人遊少沙郊馬並行穿花尋野寺冒雨出春城
骨肉新傷淚賓朋遠至情天邊有芳草故向客愁生
子純邀過東鄉

朝回聞折簡騎馬過西隣把酒對今雨看花逢故人
雲陰初薄暮鶯囀尚餘春向日江湖夢飄零見爾頻
亮公房雨後

夕宿西林院蕭蕭竹樹分風雷迴驟雨星月度微雲
妄色空中滅名香靜處聞早知禪可托未忍去人群

城東泛舟

水郭移尊宴沙原列騎停岸開平放舸林轉曲通亭
雨意雲垂白風情柳送青衣冠夕臨泛東望極滄溟
懷麓堂集將遊東園以風雨遂止二首

仲夏陰晴半林塘水石隈窓雲開遠色簷日度輕雷
雨阻東山侵天留北海杯門墻接苑樹長晝得遲迴

二

東園春餘麗西亭晝不譁雨來留聽竹風起罷看花
堂是裴公野在仍李相家庭皆有碧草早見茁蘭芽

李川甫戴時亮過訪

豈是高人室能勞二妙來炎天雷雨豁深院鬱蒸開
改席因風樹留尊對晚苔高吟俱感激琴罷轉餘哀
暮雨劉以正過飲

驟雨暮不止轟雷昨夜奔炎蒸三伏破風霧二儀昏
欵客深投轄寬愁細倒尊秦川與楚塞留滯兩鄉魂
鑑上人房訪大和兄飲

大復集 卷二十一 五
雷雨思炎月塵沙苦冀方久拚河朔飲今醉雪山鄉
蘿月搖丹牖松雲抱石堂憐君依宿地棊簾轉清涼
同川甫寺中避暑

偶到清涼地番思苦熱哀水堂蓄蓄折風殿薜蘿開
迺暑無三伏憑虛有一臺西山晝雷雨不見洗天來
同李川甫鄒子家過張子言舍

白晝風雷過城波靜碧沙濕雲翻抱暑西日半籠花
元禮舟堪並鄒陽賦更嘉同遊仲蔚宅杯酒重年華
訪子容自荊州使回二首

使節荆門返文章楚郡傳綵雲神女賦斑竹帝妃篇
弔古南遊日憂時北上年停杯問世事轉眼幾回遷

二

下馬逢今雨東堂覓舊醅入秋翻暑濕過午復雲雷
花已經年放人今萬里迴世情吾懶道但飲莫停盃
雨中劉汝忠過對棊觀詩談邊事作

城晚客居靜邊秋馬多黑雲浮日動白雨映天過
謝傳惟棊局劉琨尺牘歌異時安見汝談笑却干戈
中秋十三日子容樓

對酒中秋日憑闌萬里遙風高塞國鴈月近海門潮
興逐燕歌起魂從楚望銷無邊漢宮柳烟色畫蕭蕭
十四夜李川甫宅

獨院淹杯酌高秋驚旅魂風蟬急白露沙葉靜黃昏
月上看天柱潮來望海門平生壯遊志非爾向誰論
十五夜劉子緯宅子靜初至對月

長安今夜月復滿桂花輪笛裡三年淚尊前萬里身
關山上雲霧樓閣下星辰况接離群友悲歌對愴神
過宗哲故宅

過門猶宿昔駐馬復誰留雨院殘春竹風庭折晚榴
還家無二頃歸襯有孤舟日暮隣人笛淒然涕淚流
八月二十八日子容過對菊

近節逢花放開尊集異鄉乾坤共一笑風雨似重陽
誰識暮蟬意獨憐秋樹芳它時益爛熳邀爾醉西堂
九月一日過劉氏昆弟對菊

謝庭看朔菊楚客醉燕邦瓊樹元相對金花亦自雙
霜雲陰夕院燈火燦秋牕待到重陽日還來倒玉缸
汝濟夜過同以行對菊

大雅集 卷二十一
七
搖落相過地芳菲晚更親酒醺留媚眼燈色笑生春
風雨新晴夜江山未老身百年如不醉恐負此花神
同許補之劉子緯登定州塔

塔閣盤空上笙簫遶洞行懸梯出萬井飛蓋俯孤城
燕岱風雲色滹沱鴈鷺聲登高並回首直北是神京
夜集錦夫同本貞限韻

萬里同鄉友飄零嘆此逢江山饒涕淚歲月老形容
風散城邊角雲傳海上烽中原尚格鬪未可問雲松
繡水晴瀾

獨憐繡溪水却出錦屏山岸夾桃花浪沙明碧石灣
泛霞開激灩乘月弄潺湲千載高人去誰來釣此間
以行自西山還相訪

聞汝西山去題詩十日還獨行翠微裡應到玉泉灣
石壁雲孤裊冬巖菊白斑烟霞散妙思高詠眇塵寰
夜歸昌化寺

日落歸山剎松風處處聲幽深不易到昏黑更多驚
壑斷尋溪入峰迴截嶺行茲遊藉朋好竒絕冠平生
平坡

大後集 卷二十一
晚眺平坡上蒼茫萬壑前一僧行樹杪諸客到寒天
險駭將崩石清憐乍坼泉翠華公主塔縹緲碧山巔
圓通寺

曉問圓通寺青山拄杖尋飛梁葛石澗寒日抱霜林
殿閣攀躋遠關河眺望深下看孤鳥翼萬里送遙心

仁壽寺

塔廟開龍象叢林會法筵散花金布地拄杖石飛泉
漂泊登高興依棲習靜緣北風吹袖起昏黑下諸天
詠天寧寺塔

七級芙蓉起千年舍利藏地形標海嶽人代閱隋唐
鏡現三天象珠含四日光白毫空萬里處處有迷方

菊莊

吾憐陶處士瀟灑出塵埃白髮秋逾短黃花晚自開
百年常對酒九日漫登臺却顧輪蹄者悠悠徒爾哀
大功德寺

寶地煙霞上珠林霄漢間宣皇留殿宇今日共追
攀御榻臨丹壑行宮鎖碧山帝城看不遠時見五雲
還

玉泉

行遊金口寺坐愛玉泉名雲去隨龍女風來動石鯨
入宮朝太液穿苑象昆明却望天河水迢迢萬古情

望湖亭

獨上湖亭望霜空萬里明檻疑天上立槎是斗邊行
雲霧開山殿芙蓉暗水城先朝四百寺秋日徧題名

慈恩寺

海子橋西寺高樓御苑花中流自日月平地有烟霞
客至開金殿宸遊想翠華十年復到此朋輩各天涯

一舫齋

乾坤聊一舫高卧此齋深竹散琴書色慾開島嶼陰
乘桴浮海意擊楫渡江心無限風波裡何人嘆陸沉

鏡光閣

峻閣岩堯上層城眺望中風鈴齊送響雲磴曲盤空
海色搖旌碧蓬萊影日紅翠華無復到長鎖翠微宮

關門

虎衛關門迥龍沙塞曲深風雲時有氣日月晝長陰
中使西來訊于官北望心天寒漢宮闕翠蓋憶春臨

寄題蒼谷寺

曲水盤山地松門路不今青天望嵩少白晝吐風雲
過客空高興徵君自有文霜鐘翠微裡日暮渺相聞
鑑公房石磴

石盃何年鑿瑤燈此夕然雲流自五岳月色近諸天
定裡金輪轉光中玉鏡懸西來不滅影常照法筵前
張侍御仲脩送弓

繡服意相親彫弓把贈新獨憐投筆志未老據鞍身
晝控鳴風鏑宵彎抱月輪倚天時一望

新鄭道中

客路臨新鄭雲沙望野平夕烟生斷塹野水入荒城
下馬看碑誌逢入問地名千秋陵谷在懷古益多情

淇門

何處問商圻荒原尋斷碑鷄鳴深市井鴈入古城池
斜日人空弔浮雲世自移祇餘淇上竹綠色映寒漪
銅雀臺

美人望陵處無復翠華過殿冷閑歌吹宮春罷綺羅
落花嬌靨盡芳草怨魂多日暮濟河水東流空白波

壽鄭廷瑞太守

五馬歸來日，閑身六十強。
素花自爛漫，雲水共徜徉。
邑種萊公竹，邦留召伯棠。
平生天不吝，白首付滄浪。
初度

此日吾初度，深盃且自揮。
眼看星使去，身覺弟兄稀。
未得浮滄海，徒然傷薏苡。
齒年今不小，心事已多違。
秦翁輓章

不見此翁起，誰尋處士家。
邑人傳月旦，萬里慘霜笳。
水面藍田月，春殘清渭花。
隴雲深一墓，寒月盡空斜。

輓謝晚耕

五十不入城，獨吟稱晚耕。
日南提劍志，海上却金名。
故里松猶在，秋田草自生。
江湖夢顏色，悵望有餘情。

輓謝中丞

閩海通南極，三山產異才。
循良三歷郡，鎮靜久登臺。
神鬼愁先見，誰看大星落天柱，使人哀。

吳中丞雙輓

近讀中丞傳，兼聞節婦吟。
收銅柱績，生有栢舟心。
滄海空潮汐，青山自古今。
又魂俱不泯，何恨九泉深。

海岳陳翁輓章

白雲送秋老一墓海門邊花憶啼鶯日風悲種樹年
人間餘翰墨天上有神仙從此遼東鶴千年更一旋

百戰

百戰將軍死中原將士哀山河猶汗馬霄漢已雲臺
敢料安危勢須還節制才南征聞日遠消息幾時來

觀兵二首

將帥俱分閫朝廷再剖符選徒皆虎士戰馬盡龍
駒直指黃河外長驅碧海隅感恩須此輩萬一為捐

軀

二

組練回天地戈鋌白日搖王師一奮怒寇賊可潛消
使過傳金節軍行奏玉簫人言漢家將今是霍嫫姚

諸將

萬方皆寇盜諸將半公侯未息蒼生困猶煩玉食憂
珥貂前日賜汗馬幾時收莫倚兵車力安危在運籌

防寇

萬國猶防寇三年未罷師天清聞鼓角野曠見旌旗

岸雪晴含照山雲晚趨姿孤臣北上日想望太平時
盜起

盜起從畿甸徒勞將帥心徵兵搖白羽募士散黃金
天地河嵩隔風塵海岱陰萬方吹畫角此曲淚沾襟

花當

聞道花當種綠邊部落遙百年為漢衛每歲款天朝
犯順若無敵背恩誰爾驕側想文皇日龍驤親渡遼

內直遇雪

裊裊城雲影蕭蕭急霰催遠從仙閣度輕繞鳳池迴

弄日搖彤管含風引玉杯春還今歲早先報漢宮梅

入朝遇雨

躍馬天街霽趨朝冷色催好風先北起微雨自東來
柳拂重城鎖花籠複道迴萬方憂早日沾灑望蓬萊

將雪有懷

長安十萬戶騎馬欲何之已動尋梅興空成采葛詩
雪心知霰集雲意怯風吹今夜西堂燭蕭然有所思

冬月

冬月少光輝霜天影漸微鼓鼙仍雪塞燈火自風靡

水凍蛟潛泣沙寒鴈不飛何時漢家將雙照羽旗歸

秋雨

斷續城頭雨空齋綠蘚封孤燈聞過鴈四壁起鳴蛩
細草傷心碧幽花滿目濃美人居綺陌幾日一作惆悵不
相逢

十七夜月思

秋夜已如此美人安在茲含顰回玉魄揚采憶蛾眉
嫋嫋芳香歇盈盈白露滋河關悵伊阻誰復訊佳期
何大復先生集卷二十一

何大復先生集卷二十二

五言律詩八十一首

雨雪曲

浦海雲成陣天山雪作花長城烽火入虜騎動鳴笳
霧深迷漠月風起暗胡沙一夜關河冷征人盡念家

星變

星變干常紀花開與令違九重方避殿四海望垂衣

賦斂何時緩流亡幾處歸廟堂圖至理早晚蒼天威

冬月

冬月今宵滿他鄉此夜情城高初影堞樓靜故當楹
霧濯寒輝苦風吹夕暈生捲簾愁不寐庭樹宿鴉驚

月食

月蝕中秋夜中天萬國看衣冠連大內鐘鼓動長安
光沒天河曉陰沉渤海寒聖心應念此長望五雲端

九月十五夜月

萬里高秋月青天此夜看乍流關塞影遙出海雲端

淅淅開風慢輝輝傷菊欄清笳奏城闕為報漢宮寒

中秋無月

月賞今年罷高樓獨客愁關山中夜笛江漢故鄉舟
暗雨捎簷入秋螢度檻流應知雲霧上天柱有人遊

六月望月食

未月黃衢厄妖遮赤道行魄殘疑近晦食甚始生明
奏鼓風颺慘登壇雷雨清攬搶猶未掃天意豈休兵

元日

元日王正月傳呼晚殿班千官齊鵠立萬國候龍顏

大復集 卷二十二
辨色旌旗入衝星劍珮還 聖躬無乃倦幾欲問當
關

五更

五更霜雪霽忽夢紫宸班
天上傳鍾鼓風前想珮環
鷄鳴無復詠馬動六虛還
憶在先朝日朝朝見聖顏

三月三日

病眼看天地風沙當晝吹
賞心孤酒伴行樂過花時
水曲蘭芳靜城陰柳絮遲
東郊有車馬春色報人知

秋夜

暝砌凝寒色高樓閉綺櫳
露蟲吟蟋蟀風葉下梧桐
此夜關山月何人悵望中
冷然感秋思况復聽征鴻

元夕

燈火萬家歡高樓玉漏殘
舞留華月緩歌裊綠雲繁
雪郭春初霽烟城夜不寒
畫橋垂柳外遊女珮珊珊

十月一日二首

今日孟冬朔輕烟澹曉暎
北風飄一鴈寒氣入千門
消息斷行客關河迷故園
浮生元不定俯仰任乾坤

二

嚴霜淒卉木茲歲忽將周寂寂龍蛇蟄寥寥江海流
暮燈喧巷哭風角起邊愁不盡中原望難尋萬里樓

歲晏

歲晏看人事蒼茫繫所思浮雲當日暮積雪見春遲
報國元無術寧親未有期獨憐張內侍吟絕四愁詩

中秋

風塵悲海內滿月對長安聞道王侯第中宵宴未闌
過雲吹玉管生水弄金盤獨念南征將關山此夜寒

三月三日

三月正三日長安春可哀鴈從南國至花向北人開
戎馬中原地鄉關萬里臺蹉跎嘆物色容易歲年催

清明日病懷

旅舍清明日長安新火烟桃花轉愁思竹葉興蕭然
客病閑官馬囊空澁俸錢故鄉聞稍定南望好林泉

謝崔太史惠菊

遺我高庭菊懷君秋樹林香添竹葉盞色助草堂吟
翠蓋翻風檻霜天倚玉簪晚芳如不歇可比歲寒心

觀荷

入院高荷密留尊菡萏遲絳房扶水萼翠蓋倚風枝
檻坐明星夕牕過驟雨時流螢點點度故傷綠陰池

寺中吾子館海石榴

西林雲晝靜覆院海榴花坐映東牕下疑窺隣女家
枝枝搖綠水片片落丹霞錯比珊瑚樹光輝逼一作鬪

日華

汝慶宅紅菊二首

紅菊開時暮亭亭冠物華亦知顏色好不是艷陽花
羅綺嬌秋日樓臺媚晚霞清香如不改常傷美人家

二

秋花何太艷綠盞慰飄零笑比西施醉愁憐楚客醒
雲高開爛熳烟細裊娉婷好為多沽酒頻來倒玉瓶

沈道士館牡丹

仙亭牡丹樹不數玉山樾忽漫相逢處開花爛熳高
彩雲停度曲遲日動揮毫明歲天壇路春風憶錦袍

雨中紅芍藥

百花堪獨立一雨更風流日暮行雲女仙裳覆楚邱
明添丹臉淚暗抱錦心愁晴晝猶須賞何人駐紫騮

長安柳

三月長安柳春風吹暮天花飛御溝水葉傷漢宮烟
繞岸猶堪折臨流更可憐故園無限樹零落戰場邊

芍藥

城中芍藥徧席上把殘枝上苑相看日春風爾教溼
艷歌翻錦瑟酣醉倒金卮南國今開罷園亭數夢思

觀竹

相國西垣第新看種竹成葉香鳴鳳宿根古蟄龍生
雨洗琅玕色風傳竽籟聲山林輕肉食心跡喜雙清

魯山院竹

泰公堂下竹覆地長新篁雨颭春牆碧風含石室涼
經行留下榻晏坐對焚香遺響流笙鳳時時落上方

聞鴈

見汝今南下憐予一望家亂聲求侶急高影背人斜
月靜林無葉雲寒菊有花萬行關塞淚秋日墮

鷓鴣

不恨金籠閉其如鐵鎖牢側身燕雪苦垂翅隴雲高
豈為能言語菑令妬羽毛角鷹何猛氣翻掣錦鞵絛

春鴈

花初背楚澤雪罷度桑乾漸起隨春色高飛犯朔寒
書停江國望陣倚塞門看憶爾常南北無嗟行路難

鴈

唼唼鴈怨飄飄南鴈翔長風度關塞九月下瀟湘
積水浮連影遙空起斷行故園秋望盡聞爾淚沾裳

聞鴈

鳴鴈南方去人今北地聞水寒沉塞角沙暮起秋雲
獨叫如求侶相呼恐失群高樓潛望爾鄉思轉紛紛

輦

碧山誰放汝華館故相羈野性看人駭閉身顧影疑
草香春過處花暖晝眠時無限雲林好樊籠祗自悲

蘇子遊赤壁圖

垂老黃州客高秋赤壁船三分留古跡兩賦到今傳
落日寒江動青天斷岸懸畫圖誰省識千載尚風烟

彼美東鄰子

彼美東隣子花間白日醺纖腰人不見妙曲轉愁聞
舞罷空明月歌餘尚彩雲章臺楊柳樹花暮落紛紛

雪夜九梅翁園同蒼谷宴集二首

郊城風雪夜騎馬叩誰門乘興寧迴棹寬愁數倒尊
郊堂開洞壑楓岸疊沙村朝市山林意非翁未易論

二

冬夜南園集携遊興未窮登臺望積雪下嶺逐迴風
駿愛林中馬冥思海上鴻不因蒼谷子誰識九梅翁

到鄂簡王敬夫

以下秦集

杜曲花無數城南柳更重去天惟尺五隔歲一相逢
雨過春陂水雲開紫閣峯好陪王學士杯酒日從容

同敬夫遊至華陽谷聞歌妙曲

名邑今重過終南第一遊山中白雪倡天上綵雲流
柳散秦川色花含杜曲愁同時霄漢侶十載卧林邱

過康子德涵彭麓別業

不求金馬召翻愛碧山棲柳色閉門閉槿花曲徑迷
酒船時問字翠鐸有留題只此林泉好無煩到濟西

荅張道夫都閩病懷

不到將軍第秋清病起遲誰知平子後復有四愁詩
月幌臨書帖風庭掩戟枝東橋好山水何日赴幽期

九日同陳侍御鳳谷登宴

栢臺驄馬使蘭谷鳳仙家暫駐三秦節來看九日花
風霜高錦樹雲日麗清沙去去層霄上回瞻北斗斜
送閒雲子還河內

爾西訪崆峒東隨河上公神仙自有友不與世人同
王屋留雞犬天壇躡斗虹白雲從此駕去去入無窮
卧病簡汝濟士奇時濟二首

卧病常遲起焚香獨燕居聊因謝簿領暫得弄琴書
嶽色盈虛牖泉流繞暗渠雖然官府內不異在林廬

二

習隱開三徑耽幽構一齋吏人稀到戶烏雀自馴塔
藥補身差健詩成悶強排同聲二三子不見好音來
一作懷

過馬谿田村居

宛宛清河曲團團翠竹村卧龍元勝地容駟已高門
野曠嵯峨出天寒雲霧屯何時還過訪無限欲相論
冬夜過仲木

漢殿詞臣第秦川處士家過逢遙慰藉文翰轉光華

夜興山陰雪春情渭北花江湖望霄漢相對一長嗟

寄彭幸庵中丞

山海藏身遠朝廷屬望頻駿功收戰伐龍卧偃經綸
星宿黃河氣風雲華嶽神生才元有待終起慰斯人

贈張時濟陳伯行胡承之周少安三月三日出

城遊宴

芳筵開上日才子出京華暫別含香署俱傳訪石槎
秦川平對酒漢苑曲穿花應共題春草相過謝客家

是日蓋時
濟邀諸君

送張行人賚 大行皇帝遺詔使秦蜀

我皇忽晏駕君行辭直廬九霄持使節萬里捧哀書
湖望雙龍鼎橋回駟馬車錦城花滿樹爭識漢相如

清明日病卧聞三司諸公出城

伏枕花辰過閉門尊酒空賓朋臨水上供帳出城中
柳色龍池雨鷺歌杏苑風秦川多勝事遊賞未能同

秦府進歷

寶歷頒天闕金樽宴錦軒萬年周正朔七葉漢宗藩
向日奠階曉含風蕙砌暄同權承睿款歌舞頌乾元

拜將壇

漢主西封日淮陰拜將時壇場如往日朝代幾遷移
王氣風雲歇雄圖日月垂江山弔故國誰復見旌旗
秦嶺謁韓祠

捫蘿登峻嶺級石上荒祠雪阻南遷路雲停北望時
文衰真有作道喪已前知千載經行地高山空爾思
登五丈原謁武侯廟

風日高原暮松杉古廟陰三分扶漢業萬里出師心
星落營空在雲橫陣已沉千秋一瞻眺梁甫為誰吟

普緣寺有馬融讀書洞

春山尋古寺昏黑尚攀緣仄徑千盤轉巉崖萬仞懸
虎常啼白晝猿忽墮青天欲訪名賢洞泠泠隔澗泉
書院課士雨至有作

雨色閒堂靜橫經坐晝深笙歌非絳帳絃誦有青衿
竹勁捎簷碧松寒覆院陰萬人憂旱日洗耳聽秋霖
登樓鳳縣作

近訊中原使兼登萬里樓朝廷仍北極行在且南州
峽斷風雲隔江通日月流如聞乘八駿早晚向崑邱

東河三月晦日

雨宿東河夜送春山館寒遠沙霾霧樹危石上風湍
慣涉波濤險偏經道路難平生四方志回首欲求安

青峯閣曉霽

初日東峯上微微霽色分丹崖含宿雨青嶂拂歸雲
候騎林端發鳴笳樹裡聞前山更可愛晴望碧氤氳

草店雨行

山館夏陰澹雨行寒色凄奔湍迴白石折坂下青泥
棧道常通北江流却向西千峰問米路烟霧使人迷

馬道驟雷雨復霽

萬壑驚雷起千峰鳴雨過稍看風瀨減更覺夏雲多
虹飲垂青澗猿行掛碧蘿山中無吏事長嘯荅樵歌

宏道書院

梁棟起層雲松筠散夕曛九峻瞻泰岱清渭接河汾
冠蓋時時集絃歌夜夜聞登堂持節印衰薄愧斯文

咸陽原

千秋陵墓地駐馬惜茲行晚日登原殿晴天見渭城
望春時極目訪古獨含情柰有咸陽草風吹歲歲生

草堂寺

昔讀高僧傳今看勝地形
院寒留檜栢殿古落丹青
寶塔參遺影荒臺問譯經
駐車春日暮散步出林坵
說經臺

西海何年去南山萬古存
風雲留福地星斗上天門
有欲誰觀妙無為自覺尊
青牛不復返空誦五千言
普緣塔

石蓋凌空起丹梯出翠微
雲從珠頂覆燈轉鏡中輝
鴈沼波濤湧龍宮日月圍
何能攀絕頂一覽漢邦畿

碓溪

丈人昔未遇垂釣此溪中
不感風雲會誰知八十翁
晚楓漁浦暗春草獵原空
獨令千載下懷古意無窮
長春宮

夜宿仙人館晨聞鳳吹停
玉牕開曉月丹井汲春星
久秘長生訣空留不死庭
下山回一望巖壑杳青冥
益門

益門通漢沔棧閣上雲霄蜀道從茲始
秦川望已遙生風隣虎穴迴日過龍標
眇眇征途子雲山誰見招

新開嶺

塹山通大谷，槎嶺掛天梯。倚獨一作立飛雲上，回看落

日低異花千種色，怪鳥百般啼。晚就松林宿，烟昏度

碧溪。一作寒烟，下碧溪

武關

連峰入冥雨，絕壁閃餘霞。水認秦人洞，林疑謝客家。
石門踐苔蘚，源口覓桃花。他日求棲息，無言此路賒。

武關

北轉趨劉垵，西盤出武關。微茫一線路，迴合萬重山。

天地幾龍戰，風雲惟鳥還。關門鎖溪水，日夜送潺湲。

昭烈廟

漂泊依劉計，間關入蜀身。亂世有君臣

峽路元通楚，岷江不向秦。空山一祠宇，寂寞翠華春。

鹿苑寺即摩詰宅

舊宅施為寺，青山屬野僧。高人不可見，勝迹已無憑。
色借荒庭草，陰垂古殿藤。千崖一微迳，異代幾攀登。

過華清宮

冬一作偶駐華清殿，千秋憶翠華。青山無帝宅，荒草半

人家雪下湯泉樹春回繡嶺花長安望不遠誰見五陵霞

望終南

近覽南山霽遙迎西日曛黛橫千里色花抱一作挹五

臺雲城闕行相映川原望轉分丹梯懸石洞未訪赤

霞文

首山

王君首山下新起讀書樓雲霧懸蘿入湍波湧竹流
具茨黃帝宅嵩少羽人仰想待功成去方為此地留

兩河口

東下商南路西辭蜀北門青山兩河口古戍百家村
曲棧盤林杪危湍噴石根經過回白首蹤跡半乾坤

何大復先生集卷二十二

何大復先生集卷二十三

五言排律二十六首

上李石樓方伯 以下家集

三晉多人傑吾師出固然素汾經太岳紫塞入幽燕
世業端居里名邦倚舜田由来天運復誰謂地靈偏
郭相慚先達王通俟後賢明經超第一射策對三千
感會逢昌紀登庸起少年劒鋒寒照雪辭藻麗生煙

博物張華讓多才子建憐八义迎客賦隻字使人傳
豈獨文章貴還應器識全雄談飛玉露浩氣豁金天
亮節唐元振英風魯仲連青雲仍自致黃鵠任孤騫
簪筆星辰上持書日月前觸邪稱獬豸特立憚鷹鷂
東觀臨晨入西臺薄暮旋朝回焚疏草又散閱陳編
百采班行整群公禮數虔一年巡幸長兩命下秦川
斧鉞威關隴舟船達澗瀝石林風漸瀝霰以月嬋娟
邊徼■宵遁茅茨犬夜眠激揚之憲度旌別布威權
制作人文渙經行草木鮮闡幽輝往哲訪古徧遺阡

汲黯還辭漢張騫又使邊臺端堪秉節湖上且移旃
城接三江樹波通七澤蓮蠻夷思巴洽州郡役多蠲
糾察元無隱焚囂肯自便駐車仁雨渥登座法星懸
遠臬馳譽久當途薦疏聯碧梧看鳳時喬木待鸞遷
分陝推公奭封侯得傅元開藩臨宋苑張幕傍河壩
位重心逾下名高守益堅薇花當省署棠蔭滿郊鄆
聲價隆方鎮光芒動斗躔明堂求畫棟清廟想朱絃
寇準真時望王公勸早宣麒麟功不朽金石頌應鐫
愚本蓬蒿質那堪侍几筵垂髫蒙引拔撫志荷陶甄

附驥懷深願登龍感夙緣未除原憲病空負樂生愆
舊業心常在脩途步轉遠鸞鳴猶待律魚得敢忘筌
草野瞻飛蓋雲達望著鞭臨風歌此曲慷慨不成篇

寄徐博士二十二韻

有美雲間士才名洛下傳逢時不得意謫宦轉悠然
殊渥優文學清階謝糾纏班行六霄漢官侶是神仙
樓閣星辰麗宮墻日月連院桃紅爛日闕檜碧參天
賈誼為王傅陽城淑後賢諸生攻誦法六館籍陶甄
玉序金鏞列虛廊石鼓懸雅音淩古調竒字索遺鐫

劉向憂經術楊雄困草元維傷廷尉宅座嘆廣文瓊
魯壁藏書日齊門鼓瑟年青衿時涕淚學士盡奔遷
鸚鵡愁金絡麒麟恥玉鞭客心千里鴈歸興五湖船
上國同傾蓋長宵更接筵彩雲停翠管白雪繞朱絃
悵別燕臺下淒涼楚水邊海鷗終浩蕩天馬自騰騫
朋舊稀相見江湖益可憐因風問消息尺素幾時旋

寄邊太常

不薄淮陽守翻辭大省寮聯翩追近地奉引憶先朝
碧落仙人館銀河織女橋漢儀瞻鹵簿虞樂典簫韶

日月旂常動星辰劍佩搖聳身殊道路回首隔雲霄
河內猶宜借山陰豈見招乾坤五馬貴江海一麾遙
雅識懷金奏同遊嘆玉鑣歲年雙轂轉岐路一蓬飄
鸞翻終難鍛鷲遷本在喬九苞應不遠覽德是何朝

復菴王公錦

斯人中土彥未老即重泉薦鷄推前達乘驄憶少年
聲名起霄漢詞翰落雲煙志在身先退才高道亦全
劍橫常自許寶棄復誰憐世業襄城舊孤墳汝路偏
脩文應地下遺像儼生前未得瞻風槩空令涕淚懸

愚菴王公瓌

大夫元曠達襟抱絕塵氛香署星辰列清班鷓鷯群
兩都看宦達百家重廉勤要地能知止危途恥策勲
早投南郭隱不待北山文身向歸來健名從死後聞
一官無厚業諸子有餘芬鳴瑟哀梁木遺書落案芸
風花虛館榭烟草自丘墳野路東流水空山歲暮雲
九原長不起回首一懷君

雷

十月鳴雷動中宵萬壑哀初聞蟠地出忽覺繞庭迴

夜水蛟龍鬪寒山風雨來江濤何處折天柱此時摧
詎識乾坤意深愁號令乖攬衣還不寐坐望積陰開

雨後溪園即事

偃息春朝晏輕陰散野園山雲行翠壁溪雨渡河源
鷺浴晴相倚鳧飛暖自喧踈楊映遠岸細草入平原
開徑徒懷侶臨流且避諠豹終隨霧隱龍豈怨泥蟠
鴻鵠皆千里雞豚自一村幽棲何限意難與世人論

中元節有感

去歲中元節朝陵百職同嚴趨神路左遙拜孝園東

龍帟瞻王氣乾坤仰帝功未廻衡嶽駕空墮鼎湖弓
啟地龜圖順編年鳳歷終玉衣陳畫幄寶瑟闕元宮
北極猶前日南薰亦舊風病居逢此日長望五雲中

九日

盜賊無休日憑高淚滿纓岷峨日悽愴江漢失澄清
故國遺軍壁孤城傷虜營兵戈生朔氣鼙鼓入秋聲
吹帽他時興登臺此日情賓朋共一笑俯仰異平生
黃菊淮川晚丹楓楚岸晴蹉跎粟里醉憔悴澤中行
近郭青山抱廻堤綠水縈長陰接遠甸短日背高城

墟里孤砧發關河一鴈鳴臨觴憂戰伐對食想昇平
元帥誰摧敵尚書尚用兵幽人獨北望疲卒舉西征
秋圃芳菲雜閑門鳥雀盈垂蘿飄几席落葉裊簷楹
夕竹捎煙勁寒花泫露明光陰兀鳥變湖海白鷗輕
放逐寧違性棲遲且避名蒼生大臣在莫自涕縱橫

悼馬詩

并序

予家買得一馬齒小而良丁卯歲季夏十五夜予
忽夢一龍子立堦下跼蹐而死夢警僮在戶外呼
曰廐馬死廐馬死予怪且惜之作悼馬詩十韻

乘爾方踰歲何期病忽危四蹄猶未鑿雙淚泣長垂
渥水千年降房星一夜隳早逢田子嘆終共塞翁悲
顧影辭金絡遺骸戀敝帷詎能酬餉秣那復效驅馳
首藉殘空櫪莓苔滿故池風塵思駿力煙海失龍姿
惆悵元黃句淒涼赭白詞平生精志在不愧主人知

郊觀二十二韻

以下京集

今代園丘地天開壯麗區神祇二后配禮樂百王殊
制作由 皇祖儀章藉老儒萬靈欽受紀 七聖亶
承圖柴望兼虞典登封畧漢模魏基錯采繪法象備

大雅集 卷二十三
堪輿丹戶乾坤闢雕墻海嶽扶瑤壇上星斗琳觀俯
虛無輔弼朝元座勾陳衛紘樞風含浴殿暖雲裊露
盤孤好時瞻春祀嵩高聽夜呼公侯守禁籞虎旅發
金吾玉輦臨犧宰珍饈走膳夫廟懸鏞鼓列庭舞羽
干趨俎豆聯周簋圭璋飾夏瑚祠官足錦繡道士住
蓬壺澤草三花綻宮霞五色敷時時聆磬管鬱鬱鎖
松梧日月藏金櫃龜龍秘赤符祈天洪洛誥渡海斥
秦誣杜甫唐三禮班生漢兩都侍臣從此賦千載頌
文謨

壽許司馬

間代生豪傑乘時見哲人雄姿龍馬異偉器廟廊珍
浩蕩天開運崔嵬嶽降神扶持元有自制作固無倫
錄落先朝事崢嶸報主身九霄隨日月萬里出風塵
柱下曾簪筆臺端早曳紳觸邪持豸角糾繆逆龍鱗
道直官頻謫時危志不伸流言鑠金石雅操厲松筠
行路知桓典專城借寇恂清譽高士論優詔闡皇仁
紱禁彈冠入黃沙捧節巡讜謨仍寡合正氣凜難馴
厚寵臨危辱幽期邁隱淪班行看解綬河上羨垂緡

謝卧東山裡夷歸北海濱蒼生懸望切青瑣薦書頻
改革逢多難倉皇憶舊臣帝心虛簡在神武藉經綸
指顧三邊靜吹噓四表春朝廷推汲黯帷幄用陳遵
圖識魚蛇變營觀虎豹旆赤墀今雨露畫省接星辰
下殿常宣問臨軒數見親御香携袖滿瑞錦賜袍新
不屈朱門貴能憐白屋貧散衙時待士開閣晚留賓
片善無攸伏微言得具陳重闈俱鑲鑲諸子益振振
竇氏燕山桂莊生漆圃椿趨庭羅彩服列鼎席文茵
夢燕佳辰協乘牛紫氣真庶司欽軌範斯世待陶甄

願保喬松歲長登要路津頌聲垂琬琰勲業上麒麟
末進瞻休采愚衷實忭忻魏公中土彥誰謂德無隣

壽泉山先生

德業台衡望精神光嶽靈漢儲懷羽翼周士服儀刑
紱舄登三省臯比擁六經飛章白獸闥解組鳳凰亭
慷慨陽城餞悽惶楚澤醒丹心對日月白首卧滄溟
積慶璿源濬垂芳奕葉馨彩衣萊子宴玉樹謝家庭
海嶠神仙窟煙霄鳧鶴翎棲身葺薜荔返老斲松苓
花映衣裳古芝凝眉髮青三山開壽域萬里動文星

大復集 卷二十三
雨露知桃李春秋報英蕙聖朝耆俊禮早晚賁雲烏

簡粹夫

二十知學道于今猶未真白髮空愁我金丹不過人
側身向天地舉足墮風塵乘雲空有興涉海浩無津
聞君能鍊骨妙論頗通神倘惠長生術高揖謝親賓
送梁鴻臚之什加次孟望之韻

王官葉縣宰仙令漢庭聞寵餞傾朝俊清光憶近君
鷁舟三峽去鳧舄九霄分錦水流營月巴山入陣雲
朝廷再遣將郡邑半從軍雍齒封侯地期君早樹勲

寄贈王子衡御史時按關中

獨坐清關內臺中覺汝賢函嶠天下險周召國風先
節人文朗登臺使命宣豺狼避驄馬神鬼泣龍泉
文彩驚流輩微庸憶往年衣冠隨謁帝館閣望登仙
星辰近池臨雨露偏途逢改革新法忤權奸
江湖去飄零歲月遷冠卑棲鍛羽天近起聯翩
殘寇猶衝突蒼生極倒懸專空授鉞募戰豈論錢
漂血江河赤僵尸楚蜀連俊才兼武畧要地有威權
馬上排金戟軍前贈玉鞭笑談安石計激切賈山篇

漢苑南山下秦城北斗邊相思一回首萬里各風烟

贈良伯

帝座神仙侶天河烏鵲橋常時異棲息今日共雲霄
念子飛騰入相看衢路遙人猶惜驟褭吾已嘆鷓鴣
苑旭高雲閣宮花並玉鑣明光羨起草努力在清朝

贈劉生

劉生何激昂下筆已成章誰敢輕年少吾尤重老蒼
王楊操翰墨游夏早升堂汗血真龍種竒毛本鳳凰
炎天留玉樹花夕映冠裳霄路雲鴻羽他時看爾翔

送鄭伯生送親還夷陵

送喜潘輿動承懽解玉簪私情烏鳥疏恩詔鳳凰林
畫錦供萊服秋懷罷越吟路難回馭志江穩放舟心
雨露殘冬景風塵靜夕陰荆門巴國盡巫峽楚宮深
碧樹猶春色黃鸝更好音莫因鄉土樂長往故山岑

聞河南捷呈閣內諸公

近得河南定旋收東海疆元克親受縛餘孽遠潛藏
始失徐關險終連郢塞長狐狸窺社稷螻蟻竊侯王
清洛千營駐黃河一葦航詎能逃汝漢那敢傷蒿邱

勇畧傳諸將兵威借朔方中丞兼節制上宰極扶匡
霽色瞻宮殿陰氛散渺茫凱音連報捷獻壽屢稱觴
天子開麟閣群公奉柏梁中興當此日漢武是今皇
愴往衣冠禍哀茲盜賊猖缺戕悲相國開網見殷湯
格鬪中原血誅求海內瘡猶須哀痛詔可少治安章
斟酌調元氣扶持立紀綱薦新行太廟覽政坐明堂
不獨殲豺虎還應感鳳凰蒼生倚君相拭目看時康

子衡在獄感懷二十韻

朋儔日乖蹇念汝涕如瀆賈誼生非晚鄒陽志不群

書從梁獄上哭向漢庭聞天地虞羅密江湖釣餌芬
路豺那可問屋鼠竟難熏已懼蒼蠅點真成貝錦文
神龍在汚淖鷺鳥失青雲日月盆還覆薰蕕器不分
斗間誰辨劍野外枉懷芹談虎嗟何及亡猿禍已云
高才元脫畧衆口但紛紜木直防先伐蘭芳忌自焚
晝臺幽白日冬井下霜氛曉榻明星替陰牆白草曛
連駭虛繾綣尺牘阻慙慙石父遭齊相鍾儀滯楚軍
受書賢不死演易聖猶勤縲紲終非罪文章固有勲
燕臣霜霰烈庶女震雷殷佇見天王聖金雞早赦君

寄題丹陽孫氏七峰山房

聞爾山房勝青天秀七峯芙蓉疊日月雲霧裊杉松
堦倚岫巒積牕通洞壑重丹霞互明滅瑶草自春冬
靜得沉冥趣幽探仙聖蹤源潭暗雷雨白晝有蟠龍

蓉溪書屋

書屋蓉溪曲雲林蜀嶺斜一經韋相業萬卷鄴侯家
檻護連枝秀池看並蒂葩謝庭森玉樹漢省接金華
山月岷峨雪江天灩澦霞花潭通白石錦水出丹沙
星野光芒聚鴻霄羽翼遐地靈與文物今古擅三巴

方朔圖

調笑東方朔沉酣金馬門竊桃王母見懷肉漢皇恩
月下雙鸞返雲間八駿奔玉盤春不獻丹核代長存
事往丹青錯圖開錦繡屯素湍搖弱水兀圍折崑崙
種樹非潘縣迷花似楚村千年一結實萬古自蟠根
海日紅猶爛天風裊更繁神仙皆羽翼洲島異乾坤
無路乘黃鶴何由踏赤鯤市朝棲大隱那識歲星魂

友竹

買園惟種竹身與竹為儔一迳白雲裏千竿清吹幽

江亭朝對雨水榭早迎秋翠袖天寒倚朱絃日暮愁
 風因故人至月為此君留逸駕今誰並前身是子猷
 人多嫌寂寞吾獨慕清脩苦節長如此虛心不外求
 琴樽忘老病几席共綢繆歲晚根逾固霜繁花益稠
 山空鷓鴣怨海濶鳳凰憂高志寧須待深棲且自謀
 何因孤興發吹笛上君樓

渡涇渭 秦集

北回亂涇渭東眺極澄瀛落日兩盪潏遙天雙帶縈
 波流互明滅岸折屢崩驚 一作洲渚 隔樹 一作 望迴

各縱橫

歲

合分濤揚濁清堰渠饒上壤形勢迥西京漕挽通秦
 甸津梁跨漢城涇沉九州會雄壯八川名空挹入河
 志復含浮海情風沙滿世路雲浪渺江程鵲去星源
 遠鯨翻霧鳥輕片帆儻可借萬里自茲行

何大復先生集卷二十三

何大復先生集卷二十四

七言律詩六十四首

舟次漢陽

以下使集

使客舟從漢口來
武昌城對漢陽開
千年洲在空流
水百尺樓高鎖
舊臺太白未輕
崔顥句老瞞
元妬禰
生才山川不盡
豪華盡落日
烟江思轉哀

武昌聞邊報

傳聞一駟近長安址一朝廷已遣官路繞居庸烽火
暗城高山海戍樓寒一時邊將當關少六月王師出
塞難先帝恩深能養士請纓誰為繫樓蘭

長安驛

暮雨蕭蕭雲黯黯數家山下起炊烟
思門對寒流夜不眠遠使正持三楚節
舊遊曾扣九江船驛程南去無窮路來往風塵閱歲年

雲溪驛

雲溪驛裏經過處六七年間兩度行
風土不殊初到

日雨塘難認舊題名異方見月思鄉
縣遠客逢秋念友生明日巴陵江上酒
弟兄相對不勝情

岳陽

楚水滇池經萬里使車重喜過巴丘
千家樹色浮山郭七月濤聲入郡樓
寺裡池亭多舊主城中冠蓋半同遊
明朝又下章華路江月湖烟綰別愁

岳陽城中聞笛

何處笛聲三四弄坐聽疑隔楚江濱
落梅折柳怨清夜激羽流商哀白雲
月上山樓人獨倚風高秋院客

先聞洞庭空濶瀟湘冷縹緲餘音送鴈群

七夕

夜久高城風露收微雲斜漢兩悠悠閨中擣素思關
塞樓上穿針待女牛屏燭夜深秋似水池花香淡月
如鈎桂宮高處寒多少誰念嫦娥此夜愁

寄君山

塵踪西過巴陵地尚欠君山寺裡詩十里無緣携客
到六年不見使人思空巖竹映湘妃廟舊井潮深柳
毅祠湖上老仙誰得遇夜寒橫笛向江吹

華容吊楚宮

別館離宮紛綺羅細腰爭待楚王過章華日晚春遊
盡雲夢天寒夜獵多廢殿有基人不到荒臺無主鳥
空歌西江烟月長如舊只有繁華逐逝波

秦人洞二首

桃川道士來相送指點仙蹤玉觀西雲鎖洞門何處
問花開溪路幾人迷石橋自蔭新秋草丹竈長封舊
日泥落日山中不勝思松陰竹色冷淒淒

二

開說秦人此避秦
碧桃零落舊時春
家移洞裡難知
姓水到人間易問
津山色溪聲自今古
石床欄戶空
埃塵洞前即是南
征路來往年華客
髣新

月潭寺二首

玲瓏金刹白雲遙
踏閣攀林一徑穿
龍出洞門常作
雨鶴巢松樹不知
年僧來殿上鳴鐘
飯客到山中借
榻眠怪底夜來難
得寐秋風牕下繞
流泉

二

綠蘿陰下到蒲團
茗葉松花進晚餐
近水雲霞晴亦
雨傷巖樓閣晝常
寒旅懷寥落逢秋
半僧話淹留坐
夜闌惆悵塵蹤又
南去朝來鐘磬隔
烟巒

出新添城

出城凝望一沾巾
行到窮邊見洞民
青草時多逢瘴
死白茅屋為住山
貧秋來萬里倦為
客日落千峰愁
殺人聞道徵兵需
北戰朔方應已
塵

憶中舍諸寅

憶昨共陪天北極
幾回朝賀識龍顏
簾開仙掖宮雲
近地隔金河苑日
閉青瑣夜歸池上
珮朱衣曉入殿

六後集 卷二十四 四
中班只今遠使違趨奉清夢常依霄漢間

憶諸同遊

冠珮長安多貴游別來時復見新秋花邊騎馬春遊
寺月下橫簫夜上樓鴻鴈不傳長道字江山應繫遠
人憂遙知賓館常懸榻經歲誰能為我留

安莊道中

處處人家空薜蘿幾年凋弊擾干戈山過白水峰巒
峻路入盤江瘴厲多嶺徼土風連百粵郊原人語雜
諸羅側身西望看銅柱此地曾經馬伏波

漢將祠

嗟峨高嶺入雲平嶺上人傳漢將名殊域歲時供祭
祀千秋祠廟著神明古牆不辨丹青色深夜猶聞劍
戟聲下馬獨來詢舊事殘碑無字紀南征

新興

蕭條窮巷掩荆扉立馬荒原見鳥飛城為燒殘鄧市
少地從戰後草萊稀燐生陰雨黃昏見鬼哭秋山白
日微却怪當年出師者豈無寸策達戎機

普安

大後集 卷二十四 五
日下孤城生夕烟相逢只說敗師年寨門晝閉青山
上戍角寒吹白漠前寇至不知重嶺隘兵來能得幾
家全居人尚想黔中將統領三軍獨晏然

九日黔國後園二首

何處風烟消客愁將軍臺榭枕山丘一年又過重陽
日兩鬢空愁萬里秋水國陰多寒已至炎方霜後瘴
初收憑高欲送登臨眼更上池邊百尺樓

二

天空遠水明秋岸梧葉蕭森楓樹殘黃菊數從行處
見蕪萸獨向醉中看浮雲樓觀滇城暮落日山川變
道寒忽憶登高去年客慈恩湖閣共憑闌

白帝城

峽口風悲猿夜號孤舟燈火宿烟臯草深廢井人家
少水落寒山雉堞高自古金湯難恃險當時版築豈
知勞永安亦在荒城裏王殿淒涼空野蒿

歸州

暮雲天際見高城行盡千峰峽漸平古郡山頭萬家
住客舟江上一燈明竹枝慣聽巴人曲鳥道纔通楚

國程未卜東歸何日到片帆斜月對離情

郢中

荆門南下接平疇蕭索風烟似晚秋衰草茫茫楚宮
廢荒城寂寂漢江流人亡異代空遺宅歲暮他鄉獨
倚樓最是陽春音調古至今歌罷少人酬

呂公祠以下家集

落日蕩漾古水濱邯鄲城邊逢暮春趙王臺榭草花
盡呂公祠堂松桂新馬上十年元是夢世間何處可
還真黃金白髮俱閑事赤日紅塵愁殺人

還家口號

十年奔走違親舍此日歸來喜不禁敢向明時輕組
綬祗緣多病乞山林閑居擬著潘安賦高卧寧知謝
傅心早晚南巖桂花發開軒相望一長吟

高夔州先生示賞李秀才園中芍藥詩用韻奉
荅

李家芍藥開滿堂夔州太守更清狂題詩晚坐朱欄
靜對酒春憐白日長好為池臺留爛熳莫教風雨怨
淒涼佳期卧病難乘興悵望殘花憶謝郎

五日

五月五日天氣鮮艾葉榴花堆眼前鄉土歲時殊不
惡閭閻風俗自堪憐鄰人角黍能相送野老蒲觴得
共傳回首十年車馬地每逢佳節淚潸然

病後

病後頻驚節序過不將風景怨蹉跎秋來門巷依楓
橘歲晚衣裳戀芰荷洛下閑居辭宦早茂陵消渴著
書多鳳凰池上三年客驥褭空鳴白玉珂

吹笛

橫笛高城弄晚颺碧空如水鴈來時關山月落腸應
斷樓閣秋生響易悲楊柳天邊渾折盡梅花江畔故
開遲武陵回首南征路一曲那堪馬上吹

沈逸士來自吳下能詩善鼓琴間投篇什見訊
顧館於城中予以病不得造乃作此詩招致敵

在

寂寞秋山卧病年美人勞贈白雲篇陳蕃已下迎徐
榻王子寧回訪戴船郭外樓臺堪眺望水邊花樹足
留連廣陵失後無新譜莫惜携琴為我傳

邀沈清溪趙雪舟馬百愚登樓次百愚韻

村居邀客慚供給且為青山一倚樓
十里沙平遙對酒百年地迥更逢秋
城中車馬何人到水曲風烟盡日留
無奈天涯歸思切孤帆八月下長洲

馬百愚同沈清溪見訪次韻二首

門接漁樵只數家柳條藤蔓轉相遮
不妨佳句頻題竹况有清尊共對花
開閣定攀樓舊榻入溪還擬著浮槎
誰言人世相逢易浩蕩江湖未有涯

二

共憐野外多風景乘興閒過碧水涯
草閣連朝聞雅詠楓江萬里得佳期
馬卿作賦無勅敵沈約為文有妙思
莫向尊前話離別雲山秋色易生悲

十一月五日雨中邀沈清溪趙雪舟

仲冬風雨似秋來無客蓬門晝自開
幽抱向人那得盡窮愁泥我若為裁
不禁遠岸梅花照更見孤城柳色催
三徑已拌留二仲相過此地莫遲迴

雨晴

竹裏柴門冬日輝水邊烟霧晚霏微
背霜石壁丹楓

大後集 卷二十一
盛待雪沙田青麥稀自愛群鳥將子去却疑雙鶴見
人飛西郊風物晴還好誰共看雲興不違

冬至

至日哦詩野水濱乍晴天氣最宜人簷前白日不覺
晚山下寒梅俱放春遠客盤飧還偶共故園風俗自
須親病來又見陽回節鳴玉何由拜紫宸

立春

今年臘月逢春日喜見東風隔歲吹沙上柳條已堪
把城邊梅花亦不遲離離山郡開雲雪冉冉鄉園易

歲時欲與隣翁試新酒相邀酌酹莫深辭

燕子次杜工部韻

燕子飛時江柳春眼看節序幾回新六知社日歸鄉
國忍對秋風別主人舒卷不殊群物理往來寧有百
年身空簾寂寞山堂夕惆悵花枝淚滿巾

秋興八首

高樓一上思堪哀水盡山空鴈獨迴萬里關河迷北
望無邊風雨入秋來故人尺素年年隔薄暮清砧處
處催徒有寒樽對花發病懷愁絕共誰開

二

憶在京華近侍年五更清珮入朝天鳳凰池接夔龍
會闈闔樓開日月懸南國自通滄海貢胡塵不動玉
門烟只今病卧遙回首夜夜清光北斗邊

三

前歲今皇新御極鳳銜恩詔出明廷孤槎奉使日南
國萬里題詩天畔亭地入金沙江浩浩風連銅柱海
冥冥昆明穴在滇城裏池上虛疑織女星

四

蜀中形勝千年在峽樹江花照使袍神女廟深虛慕
雨漢王臺迥落秋濤漁人東望滄浪濶客子西來灩
澦高不見啼猿繫舟處風波遙夕夢魂勞

五

漢水東馳入楚來長沙秋望洞庭開江清樓閣中流
見日落帆檣萬里迴去國尚思王粲賦逢時空惜賈
生才湘南兩度曾遊地惆悵烟花暮轉哀

六

秋來門巷少經過日日幽懷對薜蘿一笑流光拋客

九行集 卷二十四
路十年歸夢落漁簑沙邊返照寒初斂水上浮雲晚
故多苦憶梁園辭賦客黃河愁望渺烟波

時李獻吉在濟州

七

裊裊西風歇衆芳天高谿谷迥烟霜孤城落鴈衝寒
水萬樹鳴蟬帶夕陽塵滿一區楊子宅蓬生三徑蔣
公堂相過未有裘羊輩醉裡狂歌亦自長

八

千年申國有提封楚塞重關渺未窮舊事祇看東逝
水高臺不斷北來鴻連山落木蕭條後隔坐殘花悵

望中正是平居多感慨底須辭賦答秋風

聞望之買馬促裝以詩留之

聞君買馬衝宵發正為慈顏在遠京已喜尺書前日
至不妨旌節隔年行故鄉歲暮難為別長路天寒益
繫情擬辦盤飧留暫住况逢風雪阻嚴程

同焦太史游青峰禪寺

裊裊丹梯百丈懸上方宮在白雲間川原暮過淮西
雨樓閣晴開楚上山厭逐風塵為客久喜將樽酒對
僧閒同遊更有情親在並轡山中日往還

十二夜月

待月東林月未圓
水邊樓閣半輪偏
誰家玉笛休空怨
此夜清樽益可憐
即向乾坤生羽翰
更看江海淨風烟
停杯席上遙相問
却愧當年李謫仙

人日懷孟望之

人日登高聊引興
萬峰寂寞對申臺
鶯花出郭還難見
雨雪逢春尚未開
沙畔柳條悲暮角
城邊栢葉照寒杯
關河悵望東歸使
渺渺孤槎幾日迴

贈袁將軍惟武

雄劍光寒射早秋
南征曾共公波謀
萬營貔虎胸中筭
八陣龍蛇掌上籌
誰識淮陰堪拜將
獨知定遠合封侯
漢家武畧多名帥
功在雲臺百世留

寄贈劉東山先生次林都憲韻

一疏歸來卧舊山
幾回天上識容顏
城邊黃石留侯去
海內蒼生謝傅閒
日月夢隨天闕仗
烟波家在洞庭灣
南瞻江漢無多路
不得乘槎一往還

寄懷端虛堂

草堂風物迥無倫
夔府詩成更有神
携酒幾時容入

九後集 卷二十四 三
社卜居今日願為隣謝安亦有東山妓文舉元多北
海賓珍重城邊花竹樹年年不厭訪君頰

酬高新甫

連篇落落見才華未報瓊瑤祗自誇靈運詩成應夢
草江淹筆在更生花行吟出郭愁仍破病起逢春思
益嘉不惜清詞三百首品題常到野人家

代孫太守自題沱西別業次劉東山先生韻兼

酬東山

黃鸝未比謝家莊綠野還連晉國堂亭榭寥寥看市

遠江湖渺渺接天長慚過高士蓬三徑喜望佳人水
一方安石他年如未起賦歸應許共徜徉

寄張別駕

苦憶朗陵張別駕尺書今忽到林邱江東亦起秋風
興溪上難忘雪夜舟山郭有花空悵望水亭無客自
淹留汀蘭岸柳俱相待莫負清樽此日遊

九日不見菊次劉朝信韻

一秋風物已淒涼九日無花只斷腸徒把青樽留客
醉不教繁朵向人黃鳴絃急管休相聒舞蝶遊蜂莫

九後集 卷二十四
自狂獨坐孤城正愁寂更堪落木下斜陽

夜坐

暮雨寒雲黯復開山齋獨坐思難裁水生門外沙鷗
至月落燈前江雁來四海交遊總霄漢十年蹤跡但
塵埃長安不見空回首歲晚愁登萬里臺

九月二十六日向賈廣文劉舉人任貢士高夔
府先生宅內賞菊四首

陶令門前花盡開郭西騎馬看花來疎枝淡蕊寒仍
發細雨斜風晚更催擬向夜深還秉燭可憐秋盡始

傳杯相逢一笑真非易共把繁枝醉不回

二

秋來搖落倍堪嗟喜見孤芳殿物華深院護籬元密
密小堂穿徑故斜斜清詞屢動詩人座白酒還逢處
士家老逐少來無住日莫教空負滿頭花

三

淺白輕黃千萬枝幽香今日始相期雨中籬落人稀
到水畔亭臺蝶不知折向秋風堪寄遠種因晚節故
開遲去年此會今皆健來歲花時可對誰

四

野店山家開已殘寒來移近曲闌干亭亭似與霜華
鬪冉冉偏隨月影繁千里況逢佳客賞幾人能得故
園看清尊歲暮東籬下采采金花不滿盤

何大復先生集卷二十四

